

Pagamenta IMU

Cun Decretu Lege de su 21 de maju 2013 est istada suspèndida pro s'annu 2013 sa pagamenta de sa primu rata de s'IMU pro is categorias de fabricaus:

- **Domu Printzipali e pertinèntzias suas**, a parti is fabricaus esclusi i fabbricati CLASSIFICADUS in is categorias A/1, A/8, A/9;
- **Unidadis immobilialis chi funt de cooperativas ediltzias cun proprietadi sena pratziduras**, impreadas a domu printzipali e pertinèntzias principalis de is sòtzius assegnatàrius, ma fintzas domus giadas segundu sa lege de is Istitutus autònomus de is domus popularis (IACP) o de is entis de ediltzia residentzialis pùblicas;
- **Terrenus agrìculus e fabricaus de sartu istrumentalis**, chi sighint s'art. 13, comas 4,5 e 8 de su D.L. n. 201/2011

Su provedimentu est provisòriu, aintru de una riforma chi at a acuntessiri totu su patrimoniu immobiliari incora de fai. Chi non nc'at a èssiri sa riforma aintru de su 31/08/2013, s'at a sighiri sa disciplina de imoi, e su tèrmini pro pagai sa primu rata de s'IMU pro is fabricaus ogetu de sa suspensioni at a èssiri su 16 de cabudanni 2013.

Pro imoi, s'IMU si depit pagai aintru de custus tempus:

- **17 de làmpadas 2013** pro sa pagamenta de sa primu rata;

- **16 de su mesi de idas 2013** pro sa pagamenta de sa segunda rata a saldu.

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu

serviziocultura@comune.baressa.or.it iscriendi su nòmmini, su sangunau e "bollu arriciri *Novas baressesas*". In prus, s'at podi ligi puru in sa bacheca comunali o agatai in medas atividadis comercialis de sa bidde o in sa biblioteca comunali



Comunu de Baressa
Provintzia de Aristanis

Sa redatzioni de *Novas Baressesas* est contivigiada de su Servitziu linguisticu sardu e s'Assessorau a sa Cultura de su Comunu de Baressa.

S'isportellu linguisticu est a disponimentu de tzitadinus, maistus de iscola, professoris e istudentis po cali si siat informatzioni, profundamentu, duda, crosidadi, bibliografia asuba de sa lingua sarda, po consulèntzias didàticas e po contzillus chi pertocant is arrègulas de iscrivura de su sardu.

Su Servitziu in Làmpadas est abertu:

<i>Dii</i>	<i>data</i>	<i>De is...a is</i>
Martis	04.06.2013	10.40 – 14.40
Mèrcuris	19.06.2013	10.10 – 14.40
Mèrcuris	26.06.2013	10.10 - 14.40



Comunu de Baressa
Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Fòlliu periòdicu de informatzioni istitutzionali de su Comunu de Baressa

**Responsabilidadi e proprietadi de su
Comunu de Baressa (or)**

Annu III, n. 4

Acabau su 4 de làmpadas 2013

Iscola tzìvica de mùsica

Si avisant totus is Baressesus ca de **lunis 20 de maju a lunis 1 de argiolas 2013** si podint iscrìiri a s'iscola tzìvica de mùsica pro s'annu 2013-2014.

Is letzionis ant a incumentzai **lunis 5 de Donniasantu 2013 e ant a acabai in su mesi de làmpadas 2014.**

Po s'iscriri tocat a cumpilai su mollu de iscrizioni fatu a posta de s'iscola tzìvica de mùsica chi si agatat in comunu, in s'ufitziu sotziali.

Isceti apustis de ai pagau e de ai portau in su pròpiu comunu s'arricida, s'at a podi scioberai s'oràriu de is letzionis chi s'ant a fàiri in sa matessi dii de ocannu passau. Po is cursus chi non funt istaus mai fatus, prima de pagai tocat a abetai unu avisu de s'Iscola chi at a detzidi chi fàiri partiri su cursu o no e in cali comunus s'at a fàiri.

Is cursus ant a podi èssiri:

- De propedèutica (25 letzionis de un'ora po gruppu) € 100;
- De instrumentu musicali - orientamentu culturali - (25 letzionis a s'annu de instrumentu po mes'ora a onniunu + 25 letzionis a s'annu de teoria e solfègiu de un'ora po gruppu) € 150;
- De instrumentu professionali (25 letzioni de un'ora a s'annu po onniunu +

25 a s'annu de teoria e solfègiu de gruppu) € 270;

- Cantu in coru po pipius (25 letzionis a s'annu de duas oras + 25 letzionis a s'annu de teoria e solfègiu po gruppu) € 100.

At a tocai a pagai sa primu parti candu unu s'iscrit e sa segunda aintru de su mesi de idas 2012).

Is letzionis non s'ant a fàiri candu in su comunu non si fait iscola: po Paschixedda, Pasca manna etc...). Chi invècias est su maistu chi ammancat, s'at a arrecuperai sa letzioni.

Sa presèntzia de s'iscenti a letzioni est unu òbrigu in totus is cursus. Chi unu iscienti amancat ddu depit nai a su maistu e depit giustificai s'amancu, ma non nc'est obrigu perunu po su maistu de dda arrecuperai.

Chi amancat cuatru bortas sena giustificai benit bogau de su cursu po ai pigau parti a pagu letzionis e su dinai no benit torrau.

A s'acabu de s'annu iscolàsticu s'ant a apariciai is sàgius de instrumentu musicali e cantus po ammostai ita s'est imparau.

Si precisat ca non s'ant a fàiri iscontus a is famìlias e nimancu a is iscientis chi pigant parti a prus de unu cursu.



Su dinai s'at a torrai isceti chi su cursu iscioberau no s'at a fàiri.

Cuncursu "Deu e sa Die"

Una cida fait, **lunis 27 de maju** in sa pratza de sa crèsia de Santu Girorgi, nc'est istètiu s'addòbiu "Deu e sa Die", unu ispetàculu bellu e praxili pro afești sa Die de sa Sardigna Baressesa. Est istètiu s'addòbiu de acabu de su progetu "Deu e sa Die", finantziadu de sa Regioni Autònoma de sa Sardigna e de su Comunu ed Baressa. Inghitzau in su mesi de martzu, at postu impari is piciocheddus de s'iscola de Baressa chi, apustis de ai ascurtau s'istòria de sa Sardigna de is annus de acabu de su 1700, ant pigau parti a su cuncursu a prèmius cun disinnius e fumetus "Deu e sa Die" e ant aparitzadu, cun sa cumpangia Teatro Tragodia, una teatralizatzioni de is fatus istòricus acuntèssius. Custus is bincidoris:

Setzioni 1° e 2° elementari:

1° premiu: Filippo Corona

2° premiu: Alessia Piras

3° premiu: Lorenzo Deiola

Setzioni 3° - 4° - 5° elementari:

1° premio: Paolo Frau

2° premio: Stefania Frau

3° premio: Figus Andrea